

PETRI

1824



PETRI FRANCISCI
PASSERINI
TRACTATUS
LEGALIS, ET MORALIS
DE
POLLVTIONE
ECCLESIA RV M.

Num. 49. cap. 7. num. 24.

PETRI FRANCISCI
PASSERINI
L. V. ET S. T. D. COLLEGIATI,
Protonot. Apostol. Examinatoris, ac Iudicis Synodalis, Consultoris S. In-
quisit. atq. in Vniuersit. Placent. Theol. Moralis Publ. Professōris
TRACTATVS LEGALIS, ET MORALIS
DE POLLVTIONE
ECCLESIA RV M.

In quo tam Variæ, ac Nouæ Quæstiones, ac Difficultates ad vtrumq. Forum spectantes
Disputantur, ac Deciduntur, vt Ecclesiasticis Iudicibus, Ecclesiarum
Præfectis, & Confessarijs necessarius æque sit, atque Iurisconsultis,
Theologis, & Eruditis omnibus utilis, ac iucundus.

Cum Summarijs, & Disputationum, Capitum, Rerum, ac Sententiarum Indicibus.

RAYNV TIO II.
FARNESIO

SERENISSIMO PLACENTIÆ, PARMÆ, ET C. DVCI VL.





SERENISSIME DVX.

VIX e vitæ huius Emporio, vt cum Pythago-
gora loquamur, Augustissime Princeps,
euolarat ad Empyrium, vt pie credimus,
pijssimus ille, & sapientissimus Ecclesiæ
Placentinæ Præful, immo verius Præsu-
lum Decus, & Exemplar, Alexander Scappius, Serenif-
simæ Celsitudini Tnæ, Tuisque omnibus deuotissimus,
cum Theologiæ Moralis Cathedram ab eodem in hac
antiquissima Studiorum Vniuersitate ad commune
omnium bonum sanctissime, & prouidentissime in per-
petuum ære suo constitutam, eiusque Professore exo-
ptatissima, potentissimaque Protectione Tua tam egre-
gie, & regie comprobasti, constabilisti, condecorasti, vt
vel ob id inter cætera non modo summam ingenij, ani-
mique Tui Excelsitatem cælitus concessam, & miro
scientiarum splendore à Te humanitus exornatam, sed
maximam etiam in Litteras omnes, Litterarumque
cultores benignitatem Tuam, ac beneficentiam protin-
us agnouerim, adorauerim, & quicquid vnquam à me,
vt potè Cathedræ illius moderatore, in Litterariam
Rempublicam deinceps elaboraretur, Tuum id propte-
rea factum, Tibiq. præcipue debitum fore iam tum mihi

1


PETRI FRANCISCI PASSERINI

Philosophiæ, Sac. Theologiæ, & I. V. D.

TRACTATUS

DE POLLVTIONE ECCLESIAE.

DISPUTATIO PRIMA De Pollutionis Ecclesiasticæ Natura in genere.



Breuitè, ac dilucide præmittemus in hac prima disputatione, quæ ad primam, ac generalem quandam Ecclesiasticæ Pollutionis cognitionem facile conducere videbuntur, vt inde reliqua omnia, quæ de re vniuersa copiosius, ac peculiarius traderemus, tum iucundius excipiantur, tum melius intelligantur.

CAPVT PRIMVM.

Quid Pollutionis nomen hic significet.

SUMMARIVM.

- Nominum, & vocabulorum origo in primis cognoscenda, n. 1.*
- Pollutionis derivatio, ac etymologia varia, n. 2.*
- Pollutionis significatio multiplex, n. 3.*
- Pollutio hic moraliter accipienda, n. 4.*
- Quomodo sancta pollui dicantur, ibid. remissive.*
- Ecclesia etiam materialiter sumpta habet suam spiritualitatem, n. 5.*
- Dicitur moraliter pollui respectu sanctitatis loci, ib.*
- Actiones in loco sacro valde deformes videtur cum moraliter polluere. ibid.*
- Quid sit materiale, & spirituale Templum, n. 6.*
- Quid sit materialis, & moralis Pollutio vtriusque Templi, ibid.*
- Ad vtrumq. Templum emundandum similiter aqua addibetur. ibid.*

- 1 **A**duerto 1. cum Nominum cognitio, teste Socrate apud Lucianum, sit eruditionis principium, & quoduis Vocabulum, vt aiebat Epicætetus, si eius vim perspexeris, proprii operis rationem describat, immo cû Nomen rerum imago quodammodo sit, quâ in compendio præfert, ab eo mihi quoque exordiendum esse, vt vel à nomine ipso lumen aliquod operi nostro addatur.
- 2 Aduerto 2. certum quidem esse Pollutionis nomen à verbo Polluo deductum fuisse, ac proinde easdem sortitum esse significationes, quas verbum illi Polluo communicauit; licet incertum sit, num Polluo ex primæua sui impositione sit verbum simplex, vel compositum ex Porro, & Lauo, seu ex Plene, & Lauo, quod alij malunt, & an proprie, vel per Antiphrasim.